

**SHERIA NDOGO YA KIJJI CHA KAGUNGA
YA KUSIMAMIA
MSITU WA HIFADHI WA KAMPESE**

**Chini ya Kifungu No. 168 cha Sheria ya Serikali za Mitaa
(Mamlaka za Wilaya No. 7 ya mwaka 1982)**

SHERIA YA SERIKALI ZA MITAA (MAMLAKA ZA WILAYA)
(SURA 287 TOLEO LA 2002)
SHERIA NDOGO
(Zimetungwa chini ya kifungu cha 168)
SHERIA NDOGO (KUSIMAMIA MSITU WA HIFADI YA KAMPESE) ZA KIJIKI
CHA KAGUNGA ZA MWAKA 2017.

- Jina* 1. Sheria hii inaitwa Sheria ndogo ya Kijiji cha Kagunga ya Kusimamia Msitu wa hifadhi wa KAMPESE iliyotungwa chini ya kifungu Na. 168 cha Sheria ya Serikali za Mitaa (Mamlaka za Wilaya) Na. 7 ya mwaka 1982 na itasomwa pamoja na Rasimu ya Mpango wa usimamizi wa msitu wa Hifadhi ya Kampese kijiji cha Kagunga.
- Matumizi* 2. Sheria hii itatumika katika mipaka ya eneo lote la kijiji cha Kagunga na itanza kutumika mara itakapoidhinishwa na Halmashauri ya Wilaya ya Mpanda.
- Tafsiri* 3. Katika sheria ndogo hizi maneno yafuatayo yatakuwa na maana kama ifuatavyo: -
"Halmashauri" maana yake ni Halmashauri ya kijiji cha Kagunga.
"Dawa za asili" maana yake ni dawa za miti shamba
"Doria" maana yake ni kuzunguka maeneo ya msitu kwa lengo la kukagua kunakofanywa na kikosi maalum cha doria.
"Kamati" maana yake ni Kamati ya Maliasili ya kijiji cha Kagunga.
"Kuni" maana yake ni miti iliyokauka na kudondoka.
"Leseni" maana yake ni kama ilivyoainishwa kwenye rasimu ya mpango wa usimamizi wa msitu wa hifadhi ya Kampese. "Mifugo" maana yake ni ng'ombe, mbuzi, kondoo, punda, mbwa na nguruwe.
"Msitu" maana yake ni Hifadhi ya msitu wa Kampese
"Mtendaji wa kijiji" maana yake ni Mtendaji wa kijiji cha Kagunga aliyepo kisheria.
"Mwanakijiji" maana yake ni mkazi wa kijiji cha Kagunga
"Rasilimali" maana yake ni mazao ya hifadhi ya msitu wa Kampese

“**Mazao ya msitu**” maana yake ni mbao, kuni, dawa za asili na mazao yote yanayopatikana kwenye misitu.

“**Ulinzi**” maana yake ni kulinda rasilimali za hifadhi ya msitu

“**VFR**” maana yake ni Village Forest Reserve/ Hifadhi ya msitu wa kijiji cha Kagunga

“**VNRC**” maana yake ni Village Natural Resources Committee/ Kamati ya Maliasili ya kijiji cha Kagunga.

- | | | |
|------------------------------------|----|---|
| <i>Kuanzishwa hifadhi ya msitu</i> | 4 | Kunaanzishwa hifadhi ya msitu wa Kampese unaomilikiwa na kijiji cha Kagunga. |
| <i>Mipaka</i> | 5 | Eneo lote la hifadhi ya msitu huu lenye ukubwa wa hekta 5465 linapakana kama ifuatavyo:

<i>Kaskazini:</i> Umepakana na Kijiji cha Katuma.

<i>Magharibi:</i> Umepakana na ushoroba na kijiji cha Kaseganyama.

<i>Kusini:</i> Umeanzia kwa mazuri, na unapakana na Kijiji cha Kasekese |
| <i>Usimamizi</i> | 6. | Msitu utasimamiwa na Kamati ya Maliasili ya Kijiji kwa niaba ya halmashauri ya kijiji na wanakijiji wote wa Kagunga. |
| <i>Ulinzi wa msitu</i> | 7. | Kikosi cha doria kitakuwa ni mlinzi wa msitu. |
| <i>Madhumuni</i> | 8. | Lengo na madhumuni ya kuanzisha hifadhi ya msitu huu ni kutunza rasilimali zinazopatikana katika msitu na kuipa kamati ya Maliasili ya kijiji uwezo wa kisheria wa kusimamia Msitu na kuwajibika katika kulinda na kuweka taratibu za kutumia rasilimali zilizomo katika Msitu huu katika msingi endelevu na kutoa adhabu kwa watu watakao kiuka sheria hii, pamoja na taratibu zilizotolewa chini ya sheria hii. |
| <i>Matumizi</i> | 9. | Msitu huu utakuwa wa hifadhi lakini unaweza kutumika kwa shughuli zifuatazo kwa kibali cha kamati ya maliasili ya kijiji.
a) Urinaji wa asali
b) Uchimbaji wa dawa za asili
c) Kuokota kuni |

- d) Kukata nyasi
- e) Uvunaji wa miti aina mbalimbali
- f) Kuokota uyoga
- g) Kufanya shughuli za matambiko kwa wanakijiji.
- h) Utafiti
- i) Utalii
- j) Uvunaji wa hewa ya ukaa

- Makosa* 10 Itakuwa ni kosa kufanya yafuatayo katika msitu wa hifadhi
- a) Kuchunga mifugo msituni.
 - b) Kuingia katika msitu bila kibali
 - c) Kuchoma mkaa
 - d) Kukata miti bila Leseni
 - e) Kuchimba dawa za asili bila kibali
 - f) Kuokota kuni bila kibali
 - g) Kufanya shughuli za kilimo
 - h) Kuchoma moto
 - i) Kurina asali bila kibali
 - j) Kufanya makazi
 - k) Kufanya shughuli nyingine yoyote isiyohusika katika msitu
- Makosa mengine* 11 Makosa mengine na adhabu zake ni kama ilivyoainishwa katika Sheria ya Mazingira Na. 20 ya mwaka 2004, Sheria ya Misitu Na 14 ya mwaka 2002 pamoja na Sheria ya Wanyamapori ya mwaka 2009.
- Adhabu* 12 Mtu yoyote atakayetiwa hatiani kwa kutenda kosa lolote lililoidhinishwa katika kifungu cha 10 cha sheria ndogo hizi ataadhibiwa kama ifuatavyo:
- a) Kosa la kuingiza na kuchunga mifugo atatozwa Tshs 5000/= kwa kila mbwa, nguruwe, ng'ombe na Punda na Tsh 2500/= kwa mbuzi na kondoo. Atakayeshindwa kulipa mifugo yake itaifishwe kulingana na gharama ya faini.
 - b) Kosa la kuingia msituni bila kibali adhabu yake itakuwa ni faini isiyopungua Tsh 10,000/= na isiyozidi Tsh 50,000/=
 - c) Kosa la Kuchoma mkaa faini shilingi Tsh 50,000/= na kutaifisha mkaa huo.
 - d) Kosa la Kukata miti bila kibali adhabu itatolewa kulingana na thamani ya mti uliokatwa na faini

- isiyopungua Tsh 5,000/= na isizidi Tsh 50,000/= pamoja na kutaifisha miti hiyo.
- e) Kosa la Kufanya shughuli za kilimo faini shilingi elfu hamsini (50,000/=) kwa hekari moja, kutaifisha mazao na kupelekwa mahakamani.
 - f) Kosa la Kuchoma moto faini ya isiyopungua Tsh 20,000/= na isiyozidi Tsh 50,000/= na atashitakiwa kwa mujibu wa sheria ya kosa husika.
 - g) Kosa la Kufanya shughuli nyingine yoyote isiyohusika katika msitu huo atatozwa faini Tsh 30,000/=

*Mamlaka ya
Kamati ya
Maliasili* 13

Kamati ya Maliasili ya kijiji itakuwa na mamlaka kama ifuatavyo

- a) kumtoza mhalifu gharama zilizotumika wakati wa kumkamata
- b) kumtoza fidia mhalifu kwa rasilimali alizovuna kinyume cha sheria
- c) Kumuamuru mtuhumiwa au mhalifu kufanya kazi za kijamii kama kusafisha mipaka ya msitu, kupanda miti, kulima barabara kulingana na kosa alilolitenda.
- d) Kuwajibisha kikosi cha doria pale inapoona inafaa.
- e) Kuhudumia askari wa doria watakaoumia wakiwa kazini kulingana na uwezo wa Kijiji na pesa itakayokuwepo.

*Mgawanyo
wa Mapato* 14

Mapato yatakayopatikana kutokana na faini, mauzo ya mazao yaliyokamatwa na vyanzo vingine vinavyotokana na mazao ya msitu huu yatagawiwa na kutumika kama ifuatavyo:

- a) Asilimia 50% itatumika kwa ajili ya maendeleo ya kijiji.
- b) Asilimia 25% itatumika kwa ajili ya shughuli za uhifadhi ya msitu
- c) Asilimia 25% itatumika kuboresha Kamati ya maliasili ya kijiji kwa
 - i. Kutoa zawadi kwa Askari wa doria pale inapobidi.
 - ii. Kutoa motisha kwa Kamati ya Maliasili ya Kijiji
 - iii. Kugharamia sare za Askari wa doria
 - iv. Kununua zana kwa ajili ya doria
 - v. Kugharamia mahitaji wakati wa doria

- Kuanzishwa kikosi cha doria na sifa za mwanakikosi* 15 Kutaanzishwa kikosi cha doria kitakachoundwa na jumla ya watu kumi wenye sifa zifuatazo:-
- Awe na umri usiopungua miaka 18 na usiozidi 45
 - Awe mkazi wa kijiji cha Kagunga
 - Awe amepitia mafunzo ya mgambo
 - Awe na uelewa wa msitu
 - Awe tayari kupatikana wakati wowote wa kazi
 - Awe muadilifu, muaminifu na jasiri
- Utaratibu wa matumizi halali ya mazao ya msitu* 16 Ufuatao utakuwa ni utaratibu wa kufuata ili kuhalalisha matumizi ya mazao ya misitu
- Kuomba kibali au Leseni kwa Mtendaji wa kijiji au mamlaka husika.
 - Kutoa taarifa kwa Mtendaji wa kijiji.
 - Kufanya malipo ya vibali au leseni vinavyotolewa pale inapobidi.
 - Malipo yoyote yatakayofanyika kwenye kijiji ni lazima yakatiwe stakabadhi ya Serikali.
 - Vibali vyote vitatolewa kwa malipo ya Tsh. 1000/= kwa shughuli zote zitakazohitaji kibali. Kibali kitadumu kwa muda wa miezi mitatu (3) wa kazi, Tsh. 30,000/= kwa wageni.
- Shughuli zinazohitaji vibali na tozo kwa kila shughuli* 17 Shughuli zifuatazo zitatozwa
- Kuokota uyoga itakuwa bure
 - Kuchimba dawa Tsh. 2000 kwa kila aina ya dawa kwa mkazi na Tsh 10,000 kwa asiye mkaazi.
 - Kukata Boriti kwa ajili ya kuelekea Tsh. 500/= kwa kila boriti
 - Kukata nyasi kwa ajili ya kuelekea Tsh. 2000/= kwa kila mzigo
 - Kuokota kuni Tsh. 500/= kwa matumizi ya nyumbani na Tsh.15000/= kwa matumizi mengine
- Kiongozi wa kikosi cha doria, majukumu na mipaka ya kikosi* 18 Kutakuwa na kiongozi wa Kikosi cha doria ambaye atateuliwa na kamati (VNRC) na kuthibitishwa na serikali ya kijiji

- a) Doria zitapangwa na kuonyeshwa katika mpango kazi wa kamati na kutakuwa na doria kubwa, ndogo, dharula na, maalum
- b) Mali na watu / watuhumiwa watakaokamatwa wakati wa doria zikabidhiwe kwa kamati/serikali ya kijiji kwa hatua zaidi.
- c) Askari wa kikosi cha doria hawataruhusiwa kuwapiga watuhumiwa.
- d) Askari wa kikosi cha doria hawataruhusiwa kutoza faini ya aina yoyote.
- e) Doria kubwa itafanywa kila baada ya miezi minne.

Muhuri wa Serikali ya kijiji uligongwa kwenye mpango huu wa usimamizi kufuatia
azimio la mkutano mkuu wa kijiji uliofanyika tarehe 27/4/2017 na muhuri
huo uligongwa mbele ya: -

**MFENDAJI WA KIJIKI
KIJIKI CHA KAGUNGA
MPANDA**

Beli

Rose J. Mfwika

Kaimu: Afisa Mtendaji

Kijiji cha Kagunga

**MW/KITI KIJIKI CHA
KAGUNGA
MPANDA**

Fudhweza

Jumanne L. Dolenge

Mwenyekiti Halmashauri ya

Kijiji cha Kagunga

Muhuri wa Serikali ya kijiji uligongwa kwenye sheria ndogo hizi kufuatia azimio la mkutano mkuu wa kijiji uliofanyika tarehe 27/4/2017 na muhuri huo uligongwa mbele ya:-

.....
HENRY C. LYOBA
Afisa Mtendaji,
Kijiji cha Kagunga

**MTENDAJI WA KIJIKI
KIJIKI CHA KAGUNGA
MPANDA**

HL

.....
Hukwelasu
Mwenyekiti,

**MW/KITI KIJIKI CHA
KAGUNGA
MPANDA**

Halmashauri ya Kijiji cha Kagunga

KUIDHINISHWA:

Sheria ndogo hizi ziliidhinishwa na Halmashauri ya Wilaya ya Mpanda kufuatia mkutano wa baraza la madiwani uliofanyika tarehe 05/05/2017 na muhuri wa Halmashauri ya Wilaya ya Mpanda uligongwa mbele ya:-

Romuli

.....
Romuli Rojas John
Mkurugenzi Mtendaji
Halmshauri ya Wilaya Mpanda

Hamad H. Mapengo

.....
Hamad H. Mapengo
Mwenyekiti
Halmashauri ya Wilaya ya Mpanda

